



Vischnaunca
Tujetsch

**Lescha per far diever dallas vias d'uaul
e da funs cun vehichels a motor**

Approbada entras la radunanza da vischnaunca ils 27 da settember 2023
Vigur: 1 da schaner 2024

TABLA DA CUNTEGN

I. Vias d'uaul e da funs

- Art. 1 Vias d'uaul e da funs cun scamond da carrar
- Art. 2 Dretg da carrar per intets specials
- Art. 3 Dretg da carrar cun carta da ligitimaziun
- Art. 4 Taxas administrativas ed applicaziun
- Art. 5 Vias d'avertura

II. Determinaziuns generalas

- Art. 6 Scamond da carrar duront igl unviern
- Art. 7 Prescripcziuns specialas
- Art. 8 Execuziun
- Art. 9 Publicaziun e signalisaziun
- Art. 10 Responsabladad
- Art. 11 Cunterdretg

III. Determinaziuns finalas

- Art. 12 Disposiziuns penales
- Art. 13 Vigur

Sebasond sin art. 3 dalla lescha federala da traffic sin via, art. 7 e 8 dalla lescha introductiva leutier, sin art. 15 dalla lescha d'uaul federala, art. 13 dall'ordinaziun leutier, art. 34 dalla lescha d'uaul cantunala, art. 27 e 28 dall'ordinaziun leutier relai la vischnaunca Tujetsch las suandontas perscripziuns per il diever dallas vias d'uaul e da funs.

I. Vias d'uaul e da funs

Art. 1

Vias d'uaul e da funs cun scamond da carrar Sin las suandontas vias d'uaul e da funs vala in scamond da carrar cun vehichels a motor (signal 2.14) cun resalva dallas excepcions menziunadas en questa lescha:

- a) Sin las vias seguentas valan suandontas restricziuns: peisa maxima 28 tonnas (signal 2.16):
 - Staziun Tschamut – Uaul da Rosas (sbuccada via Milez – Val Val)
 - Uaul Tschuppina
 - Cavorgia – Val Nalps
 - Plaun dil Lai – Sut Seivs
- b) Sin las vias seguentas valan suandontas restricziuns: peisa maxima 18 tonnas (signal 2.16):
 - Milà – L'Ondadusa
 - Via Cungieri
 - Bugnei – Val Dadora
 - Bugnei – Garmischera
 - Val Vallatscha – Val Giurm
 - Mises Pign – Val Giurm
 - Via d'uaul sut Milez
 - Uaul Flurin (stumpa)
 - Uaul Bugnei (sur las reits encounter curdada da crappa)
 - Crest Staviaz – Camona da Maighels
 - Via Tiarms
- c) Sin las vias seguentas valan suandontas restricziuns: peisa maxima 3.5 tonnas (signal 2.16):
 - Runs – Val Val, Pardé
 - Rudatsch – Val da Rosas
 - Via d'uaul sur Caspaura
 - Via d'uaul veglia Tschuppina
 - Nurschai – Davet
 - Uaul Flurin – Sum Praus
 - Val Bugnei (encunter reservuar)
 - Pardatsch da Vaccas
 - Via d'uaul veglia Uaul Surrein

Art. 2

Dretg da
carrar per
intents
specials

¹ Negina carta da legitimaziun per carrar ei necessaria per:

- a) tuti viadis da survetsch dalla polizia, dil survetsch forestal, per diever agricol (maschinas agricolas, senza autos cun numera verda), dalla polizia da catscha e pesca, dalla sanitad dils pumpiers, dils guardians d'ielie da chemia, viadis per ademplir activitads ufficialas u legalas sco era viadis en survetsch dil Cantun e dalla Confederaziun;
- b) viadis da miedis e veterinaris en activitat professiunala;
- c) viadis ordinai d'in post cumpetent en cass d'accidents, d'incendis e da catastrofas;
- d) pil transport da selvaschina da grefla sittada;
- e) pil transport da lenna da sort (lenна da brisch) duront in temps limitau, fixau en cunvegnientscha cul forester communal.

² Per levgiar la survigilonza sa vegrir surdau ina carta da controlla. Quella ei gratuita.

Art. 3

Dretg da
carrar cun
carta da
legitimaziun

a) Diever agricol

¹ Pil diever agricol e duront il temps d'alpegiaziun (vehichels cun numera alva ni autos cun numera verda) vegrir dau ina carta da legitimaziun annuala da carrar.

b) Ulteriur diever

² La suprastonza communal dat sin damonda cartas da legitimaziun annualas da carrar:

- a) per vehichels da proprietaris da beins immobiliars e d'affittaders per igl access al schischom;
- b) per vehichels da furniturs, da glieud da professiun, ustrias da muntogna, da concessiunaris etc. per praticar lur activitat;
- c) per persunas cun domizil en vischuna.

³ Il dretg da retrer ina carta da legitimaziun annuala han ils parents dil proprietari dil bein immobiliar en lingia directa entochen tier il grad da bab / mumma ni fegl / feglia sco era il partenari ni la partenaria. Il medem status gauda era il favorisau da dretgs da gudida impurtai sco servitud el

register funsil.

⁴ Concessiunaris el senn da lit. b) ein en special pertaders d'ina patenta cantunala ni communal per praticar lur activitat.

⁵ Persunas che persequiteschan in gudogn accessoric han mintg'onn da tschentar all'administraziun communal la damonda per ina legitimaziun annuala.

c) Cartas da legitimaziun per in di, per in'jamna ni per in meins

⁶ Persunas che han negin dretg da carrar sin vias d'uaul e da fungs san far diever da tuts raiuns lubi cun retrer ina carta da legitimaziun per in di, per in'jamna ni per in meins.

Art. 4

Taxas administrativa s ed applicaziun ¹ Per il dretg da carrar cun carta da legitimaziun tenor art. 3 vegn incassau las suandontas taxas administrativas:

a) Diever agricol

- | | |
|--|------------|
| - ina carta per in raiun tenor art. 3 a) | frs. 25.00 |
| - ina carta supplementara per in raiun tenor art. 3 a) | frs. 5.00 |
| - ina carta per tuts raiuns tenor art. 3 a) | frs. 50.00 |

b) Ulteriur diever

- | | |
|--|-------------|
| - ins carta tenor art. 3 lit. b) alinea 2 a) - c) per in raiun | frs. 50.00 |
| - ina carta supplementara tenor art. 3 lit. b) alinea 2 a) - c) per in raiun | frs. 10.00 |
| - ina carta tenor art. 3 lit. b) alinea 2 c) per tuts raiuns | frs. 100.00 |

c) Carta da legitimaziun per in di, per in'jamna ni per in meins

- | | |
|----------------------|------------|
| - carta per in di | frs. 5.00 |
| - carta per in'jamna | frs. 10.00 |
| - carta per in meins | frs. 20.00 |

² Dretg per ina carta supplementara han plenipotenziai per ina carta annuala tenor art. 3 da questa lescha per in ulteriur vehichel a motor cun

numera alva.

³ Tuttas lubentschas valan mo per il raiun menziunau sigl attest. En cass motivai (diever agricol, forestal e viadis ufficials) eis ei pusseivel da conceder legitimaziuns per ulteriurs raiuns.

⁴ Las cartas da legitimaziun ein ligiadas al vehichel.

⁵ Las cartas da legitimaziun san vegnir retratgas dall'administraziun communalia ni en ulteriurs loghens dessignai dalla suprastanza communalia.

⁶ La carta da legitimaziun ei da pazzar bein visibla vid il vehichel.

Art. 5

Vias
d'avertura

¹ Tenor la classificaziun dil plan general d'avertura (traffic) valan las suandontas restricziuns per las vias d'avertura:

- vias principales cantinales	tenor legislaziun cantinala
- vias de ruminada	max. 28.00 tonnas
- vias de quartier	max. 18.00 tonnas
- vias d'industrias	max. 40.00 tonnas

² En cass motivai sa la suprastanza communalia lubir excepziuns dalla tonnascha maximala.

II. Determinaziuns generalas

Art. 6

Scamond da
carrar duront
igl unviern

¹ Duront igl unviern eis ei scumandau da carrar cun tuttis vehichels sin las vias d'uaul e da funs. Quei scamond vala mintgamai naven digl emprem da december, respectivamein naven dil mument che las vias ein cuvretgas cun neiv, entochen la fin da mars. Fullar via ei scumandau.

² La suprastanza communalia sa conceder legitimaziuns excepziunalas per il survetsch d'unviern reduciu ni per situaziuns specialas.

Art. 7

Prescripziuns specialas ¹ En cass da relaziuns disfavoireivlas sa la suprastanza communal a serrar tuttas vias u relaschar restricziuns per in cert temps e/u per certas categorias da vehichels.

² Barrieras, geinas ni seivs ein da serrar suenter scadin passadi.

³ Parcar e cruschar astga succeder sulettamein en loghens previ ed adattai persuenter.

⁴ Ulteriuras reglamentaziuns (p.ex. concernent zonas da ruaus) restan resalvadas.

Art. 8

Execuziun ¹ L'execuziun da questa lescha cumpeta alla suprastanza communal. Ella sa delegar singulas competenzas als collaboraturs communals sco era ad ulteriuras persunas cun incarica speciala.

Art. 9

Publicaziun e signalisaziun ¹ Las excepcions e restricziuns da traffic contenidas en questa lescha ein da publicar egl organ da publicaziun ufficial e las signalisaziuns da postar els loghens pertuccai.

² La signalisaziun ha da succeder en concordanza cun la polizia da traffic cantunala.

Art. 10

Responsabladad ¹ Il diever dallas vias numnadas en questa lescha succeda sin atgna responsabladad. La vischunaunca ei buca responsabla per eventuals donns ni accidents caschunai.

² Ils cuosts da reparar ils donns caschunai vid las vias vegnan adossai als caschunaders.

Art. 11

Cunterdretg Per las vias che cunfineschon cun las vischunauncas vischinontas vala era la lubientscha da l'autra vischunaunca, aschinavon che lezza regla il carrar sin las vias e salva cunterdretg.

III. Determinaziuns finalas

Art. 12

- Disposiziuns penalas¹ Tgi che counterfa sapientivamein ni ord negligentscha a questa lescha ni a prescripziuns e determinaziuns che sebasan sin quel, vegr castigiaus cun ina multa da tochen frs. 5'000.00. Daventa quei per regl da gudogn, ei la suprastanza communalia buca ligiada agl importo maximal.
- ² En cass d'in maldiever dalla lubentscha sa quella vegrir privada permanentamein ni per in cert temps.
- ³ Encunter castitgs relaschais dils organs da controlla sa vegrir fatg protesta enteifer 30 dis alla suprastanza communalia cun indicar il motiv dil surpassament.
- ⁴ Encunter disposiziuns dalla suprastanza communalia sa vegrir recurriu enteifer 30 dis alla dertgira administrativa dil cantun Grischun.

Art. 13

- Vigur Questa lescha ei vegrida approbada dalla radunanza da vischernaunca dils 27 da settember 2023 e passa en vigur sils 1 da schaner 2024.